



SPORAZUM O AKADEMSKOJ SARADNJI

I Strane potpisnice

UNIVERZITET U SARAJEVU
71000 Sarajevo, Bosna i Hercegovina
Obala Kulina bana 7/II

I

UNIVERZITET JULIUS MAXIMILIANS U WÜRZBURGU
D-97070 Würzburg, Njemačka
Sanderring 2

II Predmet Sporazuma

Univerzitet u Sarajevu i Univerzitet Julius Maximilians u Würzburgu imaju za cilj promovirati akademsku i kulturnu saradnju između ovih dviju institucija.

Ovaj sporazum poslužit će kao opći okvir za institucionalnu saradnju, a olakšat će članovima institucija daljnje razmatranje i razvijanje specifičnih programa saradnje od obostranog interesa.

Saradnja će se odvijati kroz sljedeće aktivnosti:

- umrežavanje i obostranu razmjenu nastavnika, istraživača, studenata i drugog osoblja radi predavanja, posjeta i razmjene iskustva;
- zajedničko učešće i prijavljivanje za fondove namijenjene obrazovnim, istraživačkim i umjetničkim aktivnostima;
- zajedničko vođenje programa, simpozija, kongresa, seminara, kurseva, ljetnih škola, radionica i drugih formi saradnje od obostranog interesa;
- razmjenu stručne literature, udžbenika i drugih univerzitetskih publikacija.

III Provođenje Sporazuma

Svaka institucija će imenovati kontakt osobu koja će koordinirati implementaciju ovog sporazuma. Institucije se obavezuju da bez prethodnih međusobnih konsultacija i dogovora neće izvoditi aktivnosti u vezi sa ovim sporazumom.

Svaka pojedinačna aktivnost zahtijeva prethodni međusobni dogovor zaključen u pisanoj formi.

IV Trajanje Sporazuma

Ovaj sporazum stupa na snagu od dana kada ga potpišu rektori obje institucije i važi pet (5) godina. Njegove dopune i izmjene moguće su uz pisanu saglasnost rektora obje institucije i kao takve bit će dodate ovom sporazumu.

Svaka institucija može pisanim putem raskinuti Sporazum obavještavajući o tome drugu instituciju najmanje šest mjeseci prije nego što isti namjerava okončati.

Sporazum se ne može prekinuti ukoliko dovodi u pitanje realizaciju neke od dogovorenih aktivnosti, odnosno prije isticanja roka utvrđenog za završetak takve aktivnosti.

V Broj primjeraka Sporazuma

Sporazum će biti napisan i potpisan u dva (2) primjerka, na engleskom i na zvaničnim jezicima koje koristi svaka od strana.


U potvrdu toga, strane stavljaju svoje potpise ispod.

Univerzitet u Sarajevu



**Univerzitet Julius Maximilians
u Würzburgu**

Rektor
Prof. dr. Muharem Avdispahić, dr. h. c.

Predsjednik
Prof. dr. Alfred Forchel,


.....


Mjesto pečata


.....


Mjesto pečata **22. Dez. 2015**

Broj protokola i datum potpisivanja:

0101-7288 / 15

Broj protokola i datum potpisivanja:

03.12.15